

ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

ՈՐՈՇՈՒՄ

«16» փետրվարի 2021 թվական

N 88-Ա

ք.Ստեփանակերտ

ԱՐՑԱԽԻ ՀԱՆՐԱՊԵՏՈՒԹՅՈՒՆ ՆԵՐՄՈՒԾՎՈՂ ՏՈՀՄԱՅԻՆ ԿԵՆԴԱՆԻՆԵՐԻ ԱՐԺԵՔԻ ՄԱՍՆԱԿԻ ՍՈՒՔՍԻԴԱՎՈՐՄԱՆ ԾՐԱԳԻՐԸ ՀԱՍՏԱՏԵԼՈՒ ՄԱՍԻՆ

Ղեկավարվելով Արցախի Հանրապետության Նախագահի 2017 թվականի սեպտեմբերի 25-ի ՆՀ-108-Ն հրամանագրով սահմանված կարգի 3-րդ և 5-րդ կետերով՝ Արցախի Հանրապետության կառավարությունը **ո Ր Ո Շ ՈՒ Մ Է**.

1. Հաստատել Արցախի Հանրապետություն ներմուծվող տոհմային կենդանիների արժեքի մասնակի սուբսիդավորման ծրագիրը (այսուհետ՝ ծրագիր)՝ համաձայն հավելվածի:

2. Սահմանել, որ՝

1) ծրագրի կատարման հսկողությունը վերապահվում է Արցախի Հանրապետության էկոնոմիկայի և գյուղատնտեսության նախարարությանը (այսուհետ՝ նախարարություն).

2) նախարարությունը տնտեսական տարին ավարտելուց հետո՝ մեկամսյա ժամկետում Արցախի Հանրապետության կառավարություն է ներկայացնում հաշվետվություն՝ կատարած աշխատանքների և իրականացրած միջոցառումների մասին:

3. Սույն որոշումն ուժի մեջ է մտնում հաստատման պահից:

«Հաստատում եմ»

ԱՐՑԱԽԻ ՀԱՆՐԱՊԵՏՈՒԹՅԱՆ
ՆԱԽԱԳԱՀ

Ա. ՀԱՐՈՒԹՅՈՒՆՅԱՆ

ԾՐԱԳԻՐ

ԱՐՑԱՒԻ ՀԱՆՐԱՊԵՏՈՒԹՅՈՒՆ ՆԵՐՄՈՒԾՎՈՂ ՏՈՀՄԱՅԻՆ ԿԵՆԴԱՆԻՆԵՐԻ ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն ծրագրով կանոնակարգվում են տոհմային անասնաբուծության զարգացման և տեղական ցեղերի մթերատվության բարձրացման նպատակով Արցախի Հանրապետություն ներմուծվող տոհմային կենդանիների արժեքի մասնակի սուբսիդավորմանն ուղղված միջոցառումների (այսուհետ՝ միջոցառում) իրականացման հետ կապված հարաբերությունները:

2. Սույն ծրագրում օգտագործվող հիմնական հասկացություններն են՝

1) **հայտափոխ**՝ տոհմային կենդանիներ ներմուծելու նպատակով նախարարություն դիմած ֆիզիկական կամ իրավաբանական անձ.

2) **տոհմային կենդանիներ**՝ փաստաթղթով ծագումը վավերացված, վերարտադրության համար օգտագործվող և սահմանված կարգով գրանցված որևէ ցեղի բարձրարժեք գյուղատնտեսական կենդանի.

3) **գյուղատնտեսական կենդանի**՝ խոշոր եղջերավոր անասուն, մանր եղջերավոր անասուն, խոզ, հավ, բադ, սագ, հնդկահավ, ճագար և մեղրատու մեղու.

4) **տոհմային կենդանիների արժեքի մասնակի սուբսիդավորում**՝ տոհմային կենդանիներ ներմուծող ֆիզիկական կամ իրավանական անձանց տոհմային կենդանիների արժեքի մասնակի փոխհատուցում:

II. ՍՈՒԲՍԻԴԱՎՈՐՄԱՆ ԳՈՐԾԸՆԹԱՅԻ ԿԱԶՄԱԿԵՐՊՈՒՄԸ

3. Նախարարությունը համակարգում և վերահսկողություն է իրականացնում ծրագրի իրականացման գործընթացի նկատմամբ:

4. Սույն ծրագրի շրջանակներում յուրաքանչյուր հայտատու տարեկան կարող է ներմուծել բավարարված հայտի քանակությամբ տոհմային կենդանիներ, որոնց համար սահմանվում է սուբսիդավորում արժեքի 50 տոկոսի չափով, բայց ոչ ավել, քան՝

1) 700 000 ՀՀ դրամ՝ մեկ գլուխ խոշոր եղջերավոր կենդանու հաշվարկով.

2) 50 000 ՀՀ դրամ՝ մեկ գլուխ մանր եղջերավոր կենդանու հաշվարկով.

3) 200 000 ՀՀ դրամ՝ մեկ գլուխ խոզի հաշվարկով.

- 4) 5 000 ՀՀ դրամ՝ մեկ թև բադի հաշվարկով.
- 5) 7 000 ՀՀ դրամ՝ մեկ թև սագի հաշվարկով.
- 6) 15 000 ՀՀ դրամ՝ մեկ թև հնդկահավի հաշվարկով.
- 7) 15 000 ՀՀ դրամ՝ մեկ գլուխ ճագարի հաշվարկով.
- 8) 35 000 ՀՀ դրամ՝ մեկ մեղվաընտանիքի հաշվարկով:

5. Սույն ծրագրի 4-րդ կետով սահմանված սուբսիդավորումը ստանալու նպատակով հայտատուները նախարարություն են ներկայացնում դիմում-հայտ՝ համաձայն N 1 ձևի:

6. Նախարարությունը դիմում-հայտերի ներկայացման վերջնաժամկետից հետո տասնհինգօրյա ժամկետում ուսումնասիրում է ներկայացված փաստաթղթերը, ստուգում հայտատուների կողմից Արցախի Հանրապետության կառավարության 2018 թվականի մայիսի 21-ի N 391-Ն որոշմամբ հաստատված անասնաբուժությանը ներկայացվող պարտադիր պահանջներին համապատասխան անասնաբուժության իրականացումը, ցեղի ընտրությունը և տալիս եզրակացություն:

7. Դրական եզրակացություն ստացած հայտատուներին թույլատրվում է իրականացնել տոհմային կենդանիների ներմուծումը:

8. Տոհմային կենդանիները ներմուծելուց հետո, տասը աշխատանքային օրվա ընթացքում հայտատու նախարարություն է ներկայացնում՝

1) տոհմային կենդանիների ձեռքբերման պայմանագրի պատճենը.

2) ձեռք բերված տոհմային կենդանիների հավաստագրերը (վկայականը, քարտը, եթե կենդանիներն ունեն տոհմային ծագում).

3) տոհմային կենդանիների ձեռքբերումը հիմնավորող փաստաթղթերը՝ վճարման անդորրագիր, հաշիվ ապրանքագիր և այլն.

4) փոխադրող ընկերության հետ պայմանագրի պատճենը (առկայության դեպքում).

5) տոհմային կենդանիների առողջական վիճակը հավաստող անասնաբուժական վկայականը (արտահանող երկրում տրված ձևը).

6) համայնքում տոհմային կենդանիների հաշվառման տեղեկանքը.

7) գրավոր պարտավորագիր՝ առնվազն հինգ տարի տոհմային կենդանիների բուծմամբ պարտադիր զբաղվելու վերաբերյալ.

8) բանկային հաշվեհամարը:

9. Նախարարությունը ստուգում է ներկայացված փաստաթղթերի հավաստիությունը, կնքում է համապատասխան պայմանագրեր և երեք ամսվա ընթացքում հատկացնում համապատասխան ֆինանսական միջոցներ:

10. Արցախի Հանրապետության տարածքում տոհմային կենդանիների բուծմամբ հինգ տարի չզբաղվելու դեպքում արժեքի սուբսիդավորված մասը ենթակա է վերադարձման պետական բյուջե երեք ամսվա ընթացքում:

11. Տոհմային կենդանիների հարկադիր սպանող կամ հիվանդության պատճառով խոտանումը պետք է իրականացվի համայնքը կամ տնտեսությունը սպասարկող անասնաբույժի համապատասխան ակտով:

12. Սույն ծրագրի շրջանակներում ձեռք բերված տոհմային կենդանիները (նույնականացված համարով և փաստաթղթերով) բացառության կարգով օտարելու

պայման կարող է հանդիսանալ հայտատուի մահը կամ առողջական ծանր վիճակը: Սույն կետի պայմանով տոհմային կենդանիներին օտարելու և պարտավորությունների փոխանցման դեպքում նոր հայտատուին չի տրամադրվում արժեքի կրկնակի սուբսիդավորում:

13. Գործունեության իրականացման վայրի փոփոխության դեպքում հայտատուները պարտավոր են գրավոր տեղեկացնել նախարարությանը կամ տարածքը սպասարկող անասնաբուժական սպասարկման կայանին:

14. Օտարերկրյա պետություններից ներմուծված տոհմային կենդանիների համար սահմանվում է կարանտին 30 օր տևողությամբ:

15. Արցախի Հանրապետության անասնաբուժական սպասարկման կայանները՝ միջոցառման իրականացման գործընթացի վերահսկման նպատակով յուրաքանչյուր ամիս, մինչև տվյալ ամսվանը հաջորդող ամսի 10-ը, նախարարություն են ներկայացնում տեղեկություններ՝ ներմուծված տոհմային կենդանիների և դրանց պահվածքի մասին:

16. Սույն ծրագրի շրջանակներում նախարարությունը իրականացնում է մշտադիտարկում:

III. ԾՐԱԳՐԻ ԻՐԱԿԱՆԱՑՈՒՄԻՑ ԱԿՆԿԱԼՎՈՂ ԱՐԴՅՈՒՆՔՆԵՐԸ

17. Ծրագրի իրականացումից ակնկալվող արդյունքներն են՝

1) կենդանիների մթերատվության մակարդակի բարձրացում.

2) բարձր մթերատու հատկանիշներով օժտված տնտեսությունների ցանցի ձևավորում.

3) անասնաբուժության վարման ինտենսիվ տեխնոլոգիաների ներդրման հնարավորություն.

4) գյուղական վայրերում վերամշակման նոր ձեռնարկությունների ստեղծման համար նպաստավոր պայմանների ապահովում.

5) անասնաբուժության մասնագիտացման շնորհիվ հեռագնա արոտների և այլ բնական կերահանդակների առավել արդյունավետ օգտագործում.

6) գյուղական վայրերում նոր աշխատատեղերի ստեղծում.

7) անասնաբուժական մթերքների ինքնաբավության մակարդակի բարձրացում և արտահանման ծավալների ավելացում:

Ձև N 1
Արցախի Հանրապետության էկոնոմիկայի և
գյուղատնտեսության նախարարություն

Դ Ի Մ ՈՒ Մ - Հ Ա Յ Տ

ԱՀ տարածք ներմուծվող տոհմային կենդանիների արժեքի մասնակի սուբսիդավորում
ստանալու վերաբերյալ

Դիմող _____
(Ֆիզիկական կամ իրավաբանական անձ)

Բնակության վայրը (գտնվելու վայրը)
հեռախոսահամարը _____
Անձնագրի և հանրային ծառայությունների համարանիշի
կամ սոցիալական քարտի համարը _____
Գործունեության իրականացման վայրը _____
Խնդրում եմ Ձեզ «Արցախի Հանրապետություն ներմուծվող տոհմային կենդանիների
արժեքի մասնակի սուբսիդավորման» ծրագրի համաձայն ԱՀ տարածք ներմուծված
տոհմային կենդանիների համար

(տոհմային կենդանիների ցեղը և քանակը)

տրամադրել արժեքի մասնակի սուբսիդավորում:

Ներմուծման ամսաթիվը _____

Դիմում-հայտին կից ներկայացնում եմ հետևյալ փաստաթղթերը՝

- տոհմային կենդանիների ձեռքբերման պայմանագրի պատճենը,
- ձեռք բերված տոհմային կենդանիների հավաստագրերը (վկայականը, քարտը, եթե կենդանիներն ունեն ծագում),
- տոհմային կենդանիների ձեռքբերումը հիմնավորող փաստաթղթերը՝ վճարման անդորրագիր, հաշիվ ապրանքագիր և այլն,
- փոխադրող ընկերության հետ պայմանագրի պատճենը (առկայության դեպքում),
- տոհմային կենդանիների առողջական վիճակը հավաստող անասնաբուժական վկայականը (արտահանող երկրում տրված ձևը ևս),
- համայնքում տոհմային կենդանիների հաշվառման տեղեկանքը,
- բանկային հաշվեհամարը,
- գրավոր պարտավորագիր՝ առնվազն հինգ տարի տոհմային կենդանիների բուծմամբ պարտադիր զբաղվելու վերաբերյալ.

Ներկայացված փաստաթղթերը ենթակա չեն վերադարձման:

Ներկայացված տեղեկությունների իսկությունը հաստատում եմ՝

(ստորագրություն, անուն, ազգանուն (իրավաբանական անձի անվանում))

«___» _____ 20 թ.

Կ.Տ.

ԱՐՑԱՒԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻ
ԱՇԽԱՏԱԿԱԶՄԻ ԿԱՌԱՎԱՐՈՒԹՅԱՆ ԳՈՐԾԵՐԻ
ԿԱՌԱՎԱՐՉՈՒԹՅԱՆ ՊԵՏ

Ա. ԼԱԶԱՐՅԱՆ

